

太原縣志卷之四

古蹟

太原爲自古都會之地古蹟甚多然物換星移屢經兵燹銷蝕於山崖水湄間者蓋過半矣今惟擇其址跡可考者著於編志古蹟

晉陽城在縣治北里許故唐國也周封叔虞曰唐至子燹以有晉水更號晉一名唐城智伯引水灌之不浸者三版晉刺史劉琨展築中有三城一曰大明城董安于築北齊置大明宮其一東魏靜帝置晉陽宮隋更名新城其一開皇十六年築名倉城又汾河東岸曰東城貞

太原縣志

卷之四

古蹟

一

觀十一年長史李勣築德宗時引晉水架汾瀦爲東隍省守埤萬人又醜汾水環城植柳固堤建中四年節度馬燧亦引晉水架汾至城東爲池武后時長史崔神慶以二城隔汾乃於其間跨水聯堞合而一之名曰中城宋太宗御城受劉繼元降始隳其城又西堞外有羅城以禦西山之水俗名長龍城其近有羅城鎮按晉陽唐爲北都有畱守宋太平興國四年平太原議者謂宋興歸德爲商星分野太原參星分野昔高辛氏二子不相能故自古參商不相見國家盛則後服衰則先叛不宜列以方鎮乃下詔毀其城改爲平晉縣以榆次爲并州

徙太原民於唐明鎮縱火焚太原廬舍老幼趨城門  
及焚死者甚衆金元好問過晉陽故城詩曰汾流決入  
大夏門府治移著唐明村又曰東闕倉龍西白虎金雀  
觚稜上雲雨不論民居與官府仙佛所廬餘百所鬼役  
天財千萬古爭教一炬成焦土又曰萬夫畚插開連岡  
官街十字改丁字

唐城晉陽縣北二里都城記堯所築

二陵城北魏志太原郡長安縣有二陵城今未詳所在

三角城在縣西北二十里義井村一名徒人城又名胡提  
城趙襄子所築以處刑徒內置卻敵外安龍尾爲三面

太原縣志

卷之四

古蹟

二

故名三角城址存北魏志太原郡長安縣有三角城

平晉故城在縣東北二十里高一丈三尺周四里餘內有  
故碑字多剥落宋置永利監於此

王陵城在汾水東舊縣東北今名黃陵村

長安故縣北魏志泰常二年置眞君中省景明初復今未  
詳所在

龍山故縣隋志後齊置大業十年改爲晉陽

石廠在縣西北二十里大井峪閻若璩曰萬歷間有僧  
峯者立願於汾水上建橋鑿石於西山石條幾與山  
惜此僧不久卽逝後所以包太原縣城者卽此石也

澤在縣城南十里晉水下流滙爲澤廣二十里今  
汾水所沒盡爲民田旁有昌寧公廟卽臺駘神

晉祠在縣西南懸壘山麓晉水發源處魏地形志晉陽有  
晉王祠昔智伯遏水灌晉陽後人因之蓄爲池沼建祠  
水側結飛梁於池上北齊天保中大興營建遂爲北都  
北史後主天統五年改爲大崇皇寺唐高祖舉義師禱  
於此太宗親製碑文仍名晉祠晉天福六年封興安王  
宋天聖間改封汾東王又建女郎祠於水源之西元至  
元間重修汝陽弋穀撰記云祠西山上有望川亭祠中  
兩泉北曰善利南曰難老皆作亭蔽之祠南大池西岸

太原縣志

卷之四

古蹟

三

有流盃池池上曰均福堂堂後曰仁智軒其南曰湧雪  
亭池中島上曰清華堂亭曰環翠邦人歲時行樂者甚  
衆明改稱唐叔虞祠歷朝修建俱有碑記見藝文  
晉陽宮在故唐城內春秋時董安于理 陽公宮卽此東  
魏武定三年高歡言并州軍器所聚動須女功請置宮  
以處配沒之口於是置晉陽宮齊天保中置大明宮宮  
內建宣光建始嘉福仁壽宣德崇德大明七殿德陽萬  
壽二堂北有元德門又北有元武樓樓下有門通城外  
今皆湮廢惟故址微存唐地理志晉陽宮在都之西北  
宮城周二千五百二十步崇四丈八尺都城左汾右

五朝志太原有晉陽宮

大明宮北齊書天統初世祖在晉陽旣居舊殿少主未有別所詔給事黃門侍郎馮子琮監造大明宮宮成世祖親自巡幸怪其不甚宏麗子琮對曰至尊幼年纂承大業欲令敦行節儉以示萬邦兼此北連天闕不宜過復崇峻世祖稱

德陽堂北齊建今無存

宣德殿北齊建今無存

大明殿齊後主以晉陽大明殿成大赦文武百官進二級免并州太原一郡來年租今無存

太原縣志

卷之四

古蹟

四

崇德殿北齊建今無存

內殿天保元年冬十月帝御金輅入晉陽宮朝皇太后於內殿今無存

南宮齊大寧元年冬十一月武成帝卽位於南宮今無存

五龍門武平七年後主夜斬五龍門而出今無存

清華堂在縣西南十里晉祠池上北齊天保中建今無存

避暑宮在縣西南三十里北齊神武帝避暑處俗稱皇家宅明周文端經題夫龍洞詩齊主宮存避暑基舊志避暑宮有三一在蒙山上世傳劉薛王避暑寨一在天龍山東址存又葦谷山有避暑宮齊天保二年建後賜名

仙巖寺

墨堂在晉祠齊天保中建

栢堂文宣帝避暑宮今無存

雙堂在東城北魏太原公高洋第

號令堂汾水東舊晉陽縣唐高祖誓義師於此今無存

起義堂唐地理志宮城東有起義堂張燕公作頌今無存

受瑞壇唐高祖舉義兵使子元吉畱守獲瑞石有文曰李

淵萬吉因築壇祀以少牢唐地理志倉城中有受瑞壇

乾陽樓貞元十一年太原監軍王定遠謀殺節度使李自

良不克走登乾陽樓夜墜城逸今無存

太原縣志

卷之四

古蹟

五

飛閣唐地理志縣西北十五里有飛閣顯慶五年築今無

存

講武臺在縣西北唐顯慶間築

勤政閣十國春秋北漢少主劉繼恩寢處居勤政閣今無

存

資聖院統平殿宋皇佑五年奉安太宗御容於此禮志太

宗取劉繼元於并州是太平之統也卽崇聖寺殿名曰

統平以奉太宗嘉祐元年統平殿災諫宮范鎮言并州

素無火災自建神御殿未幾而輒焚天意若曰祖宗御

容非郡國所宜奉安者近聞下并州復加崇建是徒事

土木重困民力非所以答天意也自并州平七十七年  
故城父老不入新城宜寬其賦輸緩其徭役以除其患  
使河東之民不忘太宗之德則陛下孝思豈特建一神  
御殿比哉明宏治間崇聖寺沒於汾水殿亦無存  
上黨坊齊文宣帝將受禪時訛言上黨出聖人帝聞之將  
徙一郡郡人張思進上言殿下生於南宮坊名上黨卽  
是上黨出聖人帝悅而止今無存

并州邸天保七年後主母胡皇后生後主於并州邸今無  
存

丞相第東魏孝靜皇后高氏興和初以后駕迎於晉陽之

太原縣志

卷之四

古蹟

六

丞相第北魏志永昌中置大丞相府今未詳所在

尚書府後主天統五年夏四月詔以并州尚書省爲大基  
聖寺今未詳所在

六府後周武帝建德六年幸并州廢并州宮及六府

難老泉亭在晉祠懸甕山麓北齊天保中建明嘉靖時重  
建

善利泉亭在晉祠懸甕山麓天保中建明正德初廢嘉靖  
時重建

望川亭在晉祠懸甕山巔明大叅高汝行重建撰記云亭  
建天保中址微存鄉人名爲大亭臺嘉靖二十七年復

建三楹其下仍顏曰望川

均福堂

仁智軒

湧雪亭

流杯亭北齊天保年建今廢

讀書臺嘉靖二十七年高汝行建

映月樓成化六年居民郝郁等建今廢

仁勗堂

溪翁堂曲莊喬白岩爲王少師書廡

泉心亭內有伏泉王氏蓄沼建亭中川陳公題今名

太原縣志

卷之四

古蹟

七

水亭知縣龔仲敏建

以上十亭俱在晉祠

清跨樓在縣南八里東莊王少師書廡

永利監在縣東北二十里今廢

西山石篆風谷山岩石上鑿字云立一箭臥一箭金鍋耳

子露一半溝之南道之北一輛金車露枝輻不知所謂

年久漫漶字不可辨

王太原宅北魏王椿於宅構起廳事極爲高壯時人忽云

此乃太原王宅豈是王太原宅椿往爲本郡太守世皆

呼爲王太原未幾爾朱榮居王椿之宅榮封太原王焉

今無存

敬德別墅在縣西南八里奉聖寺內有遺像

百樂州唐李暠鎮太原與李商隱孫逖遊於百樂州逖爲之記文士盛稱之今未詳所在

龍泉亭舊唐書盧簡求子汝弼爲河東節度副使府有龍泉亭簡求節制時手書詩一章在亭之西壁汝弼復爲亞帥每亭中讌集未嘗居賓位西向俯首而已今無存  
龍泉池 晉水池唐白香山有和裴令公上巳日遊龍泉池詩又和令公開龍泉晉水二池詩笙歌聞四面樓閣在中央今未詳所在

太原縣志

卷之四

古蹟

八

山亭舊府西城上唐張宏靖爲太原節度使有山亭懷古詩曰叢石依古城懸泉灑清池判官韓察高銖副使崔恭掌記崔公信及陸灑胡証張賈胥有和詩刻石今亭與詩石俱無存

偃松坊唐薛能并州詩坊號偃松人在否餅爐南畔曲西頭今無存

沙河門樓宋史太平興國四年以榆次縣爲新并州築新城上幸城北御沙河門樓盡徙餘民於新城以行宮爲平晉寺

翠亭在晉祠池島上冬夏有翠草名長生蘋



白魚泉在縣西南十五里產白魚

家馬廐漢地理志有家馬官後改爲捫馬

捫音動

御井在縣西南十里近晉祠相傳北齊高歡飲馬之所又

傳宋太祖飲馬於此

藥井在縣北三里九龍廟內金皇統八年碑云人有病飲之卽愈洗目卽明

烈女井在縣北十里元武氏女管嬰殉節於此

陸本井在童子寺旁砌以月石約深三丈

蟾酥池在縣西南五里賢輔鄉元時採辦今涸

晉祠金人在水母殿前有鐵人四俗呼鐵漢蓋鎮水金神

太原縣志

卷之四

古蹟

九

也各高七尺許一立西南一立西北俱宋紹聖年間趙和劉植張鑑等鑄一立東北明宏治間邑令韓光大邑紳高銘高堅等鑄一立東南宋政和年間趙諫等鑄觀魚亭在東莊營明藩晉王觀魚之所舊有魚池今皆廢爲屯地

晉溪園劉龍紫巖集王晉溪太宰卜築於晉祠水邊甚爲佳勝乃自綏德謫所以書來乞詩自謂兒輩近爲我營一供老之所池館之間賸植花竹稻畦蒲沚煙汀雪瀨瀾漫極目頗得秀潤閑雅之趣縉紳多爲詠題不宜獨闕乃疊韻以四律復之

步趨圖吳道子畫石刻舊在晉祠寶墨堂洪武初平晉縣  
廢癸丑建學於今治甲寅冬十一月二十八日移石置  
學宮今在大成殿神座前石尙完好惟嘉靖字下剝落  
不可辨

太原成王碑魏土地記城東汾水南流有晉使持節都督  
并州諸軍事鎮北大將軍太原成王之碑

成王即晉司馬輔也

北魏彭城太妃墓誌石在縣北十五里石堂頭村北齊神  
武帝妃爾朱榮女

定國寺碑齊祖珽撰文甚工麗今無存

天龍寺石室銘開皇四年刻石

太原縣志

卷之四

古蹟

十

楊忠碑縣西五里蒙山下文帝父嘗爲周將伐齊有功立  
碑今無存

晉祠碑銘貞觀二十一年太宗御製碑文及銘碑陰列長  
孫無忌蕭瑀李勣張亮李道宗楊師道馬周銜名傅山  
云余少時見唐碑摹搨極精後少模糊有妄男子鐫而  
深之頗失其質朱彝尊晉祠碑銘跋亦云後益漫滅殆  
不可辨乾隆庚寅邑貢生楊埳購舊搨未損者摹鈎校  
刊峙於前碑之次

夫子廟堂碑在儒學顏真卿書

新松記碑在晉祠顏頤書

宸宸台衡二銘碑馬燧平河中帝賜宸宸台衡二銘勒石  
起義堂帝榜其額以寵之今無存

後唐招討使李存進墓碑在鄭村東原同光二年御史中  
丞呂夢奇撰太子校書梁邕書

重修蒙山開化莊嚴閣碑學士蘇禹珪撰劉智遠立石見  
藝文

史匡翰神道碑在縣東北三十里黃陵村天福七年立知  
制誥陶穀撰朝散大夫太府卿開光遠奉勅書云大晉  
義成軍節度使駙馬都尉餘剝落朱彝尊曝書亭集云  
史駙馬匡翰墓在太原縣東北三十里黃陵村墓碑深

太原縣志

卷之四

古蹟

十一

陷於地村民語予土不可搯搯之尺則更深尺予強令  
搯之以畚去土至一尋龜趺始露驗之則陶學士穀所  
撰文也辭多駢儷乃抄撮其大略云天祐中授代州副  
使以勞加銀青光祿大夫檢校太子賓客兼監察御史  
改遼州副使兼領九府都督同光初充嵐憲朔等州都  
游奕使解職授天雄軍牢城都指揮使遷檢校刑部尚  
書兼御史大夫上柱國轉檢校戶部尚書潯州刺史未  
幾改天雄軍步軍都指揮使遷侍御彰聖馬軍都指揮  
使兼九府都督進檢校司空懷州刺史轉控鶴指揮使  
加金紫階兼和州刺史駙馬都尉食邑五百戶俄遭內

艱起復授冠軍大將軍右金吾衛大將軍員外置同正員依前充義成軍節度使以天福七年三月薨於鎮詔贈太保其先後歷官詳矣然史稱其歷鄭州刺史而碑不書何歟又傳美其好讀書尤喜春秋三傳與學者講論不倦碑辭亦云懷鼓篋之心行有餘力蘊飛箝之辨似不能言不積財而但富藏書不憂家而惟思報國求諸時彥罕有倫焉則與史傳合矣

劉氏墓額在縣西南三十里天龍谷中其額有大漢英武皇帝園陵八字明宏治間爲寺僧所毀今存石香亭

天龍寺千佛樓碑在縣西南三十里廣運二年尙書左僕

太原縣志

卷之四

古蹟

十一

射李惲撰朱彝尊云丙午二月登天龍之山得北漢李惲所爲千佛樓碑異焉俾工搨歸裝潢之書其後曰北漢之爲國不足當一大郡而王朴以爲必死之寇亡最後自周之世宗宋之太祖百戰不能克宜其君臣有過人之才而劉繼元處裹瘡吮血之餘輕役其民命嬖臣范超冶金爲佛治不急之務惲爲相臣不能匡正惟事圍棊飲酒反撰碑文侈大其何碑稱承鈞爲睿宗皇帝繼元爲英武皇帝皆史記未及劉旻之語張元徽也顧我是何天子爾亦是何節度使然則惲之夸大其辭適足以形其陋而已攷繼元之立在宋開寶元

年戊辰史稱其卽位時改元廣運而碑建於乙亥故其文曰上御宇之八年後書廣運二年歲次乙亥按楊夢申撰劉繼顒神道碑亦稱廣運元年歲次甲戌與是碑合則卽位改元之說史未得其詳矣繼元殘忍好殺具書於史然當時諸臣率棄之降宋范超者亦降惟惲至國亡乃降蓋其誅戮亦所必行無足深罪者嗚呼以蕞爾之地抗百萬之師民爭爲之効死其君臣豈眞無過人之才者哉若其文格之卑書法之陋考古之士無譏焉可也

修晉祠碑太平興國九年甲申五月丁丑朔將仕郎尚書

太原縣志

卷之四

古蹟

十三

職方員外郎趙昌言奉勅撰翰林待詔中大夫司農少卿賜緋魚袋張仁慶奉勅書

惠明寺舍利塔碑河東路安撫使呂惠卿撰元豐八年建朱彝尊跋云呂惠卿儉人也當時君子視若鬼蜮而王安石獨任之不疑且曰惠卿之賢雖前世儒者未易比也今觀惠明寺舍利塔碑記雖能文善書之士無以過之世徒知爲頭會箕斂之才不知兩人當日以經術定交而取合於文字也嗚呼此其所以爲姦也歟

邢昺墓詩碑在縣西南十里晉祠奉聖院南原舊有宋相寇準文彥博陳堯佐范仲淹等十四人所贈詩碑舊在

陽曲縣天慶觀中今毀

三聖堂銘在明仙寺河東路安撫使呂惠卿撰元豐八年  
八月十三日建

重修昌寧公廟碑卽汾水川祠員外郎掌禹錫撰

明仙寺詩碣宋蘇過書

重廣水利碑太谷令公乘良弼撰嘉祐八年二月初五日  
立石見渠案

遼太宗聖德神功碑遼史天顯十一年遼太宗援太原大  
敗張敬達兵築京觀於汾水上立碑晉高祖詔桑維翰  
撰文

太原縣志

卷之四

古蹟

十四

重修九龍廟碑在晉陽故城北郭大定十六年歲次丙申  
八月望日古并州崔昱書丹

平晉縣建賢堂碑郝鍾撰

重修晉祠碑河東山西道廉訪司僉事王思誠撰

昊天觀重刊全真庵碑道士宋德芳撰

開化寺雪峯道行碑在蒙山王好古撰文

重修晉祠廟碑茂彪撰

王御史墓碑何橋新撰

清水河修橋碑高堅撰

柳子峪修石橋碑李壽昌撰

東莊修道碑高汝行撰

重修淨明寺碑王士撰

代祀晉源神祠記祝顥撰

蜀漢南陽忠武英烈侯臥龍廟碑銘在黑駝村晉王濟熹撰

見心堂碑在大堂東邑進士雷仁育撰

王氏先塋碑李東陽撰

重修眞武廟碑記孫絳撰

曹侍郎紀游詩石刻在叔虞祠廊壁侍郎名溶見藝文

傅徵君大字石刻晉祠廟院有古栢一株相傳爲周時物

陽曲徵君大書其旁曰晉源之栢第一章七字邑人段

太原縣志

卷之四

古蹟

十五

絳鐫勒於石山以書法名於時而此書尤奇絕閻若璩

嘗與周郡守令樹晉祠碑亭記曹侍郎溶紀遊詩稱爲

三絕

重修惠明寺舍利塔碑記在古城營傅山撰并書

遊晉祠記石刻在叔處祠廊壁朱彝尊記劉星書段絳鐫

蒙山古碣朱彝尊云山西按察副使整飭陽和道同里曹

公溶以公事畱太原借予櫪馬俾訪金石刻文字因出

郭抵晉祠夕宿朝陽觀晨起道士引一蹩叟至謂善

碑乃攜之行取道風谷嘗考北齊書段韶傳突厥從北

結陣而前東距汾河西被風谷又唐創業起居注煬帝

於樓煩置宮因過太原取龍山風谷又通鑑載後唐劉后與李存渥奔晉陽李彥超不納存渥走至風谷爲其下所殺是則風谷之名著於載紀久矣胡三省注唐長安三年分宜芳縣置嵐谷縣屬嵐州謂風谷當作嵐谷諺云南人不識盤屋其類是與蹇叟語予蒙山多石刻乃往求之馬行碎石中將至見厓岸多以斷碣壘砌大率比邱塔銘及陀羅尼幢也入開化寺有穹碑戴額乃蘇禹珪撰莊嚴閣記碑後具書開運二年興邦佐命忠力保定功臣北京畱守河東節度使管內觀察處置等使北面行營都統開府儀同三司檢校太師兼中書令

太原縣志

卷之四

古蹟

十六

行太原尹上柱國北平王食邑一萬三千戶實食封二千二百戶劉智遠立石合之五代史帝紀相符按樂史寰宇記蒙山上有楊忠墓碑隋文帝追謚武元皇帝今已亡之或壘入厓岸中未可定爾是日也由風谷登天龍山轉入蒙山題名寺壁拓北齊碑 五代十國碑各一

重修清跨樓碑高若岐撰

重修清跨樓碑楊二酉撰

大寺村修沙河援洞道碑高若岐撰

唐叔虞祠碑朱珪撰

新建魁星樓碑記知縣孫閔達撰



陵墓附

周唐叔虞墓在縣西南十五里嶺上晉王墓又曰晉王嶺  
舊誌云其子晉侯燮墓亦附焉

北齊彭城太妃墓

司空左深墓在縣北三十里井谷村高歡別將立功東魏  
舊誌有碑左深字洪貴南陽人雍州刺史封武陽侯贈  
司空謚武烈碑今亡

丞相斛律金墓在縣西南十五里光之父封咸陽王

唐閻將軍墓在縣西南十里

柱國呂斌墓在縣西南十里索村

太原縣志

卷之四

古蹟

十七

尉遲敬善墓在晉王嶺南鄂國公敬德從弟明嘉靖初墓  
發誌石存縣庫

後唐廢帝母宣憲皇后魏氏陵在縣境清泰初追尊爲皇  
太后議建陵寢而太原石敬瑭拒命乃於河南府建立  
寢宮

李存孝墓在縣西七里風峪

太師符存審墓在縣西南晉王養子官至幽州刺史贈太師

晉駙馬史匡翰墓在縣東北三十里黃陵村

北漢劉氏墓在縣西南三十里天龍谷中

周淑妃舊墓在縣近郊周太祖事漢高祖於太原天福中

繼室楊氏卒遂葬太原之近郊廣順元年追冊淑妃太祖葬嵩陵世宗詔營陵側爲虛墓以俟顯德元年攻太原閉壁被圍乃遷妃而葬之

宋呂氏先墓在縣東北二十五里吳村呂公弼之高祖也公弼帥太原時有奠謁詩在崇福寺今廢按呂公弼平章軍國重事夷簡子平章軍國重事公著兄

明晉恭王墓在縣東北三十五里許東駝山之陽洪武三十一年七月造

傅國公墓在縣北大王村墓前有穹碑二其一爲太祖御祭文並太祖御讚洪武二十五年十二月二十一日也

太原縣志

卷之四

古蹟

十八

其一爲太祖御製平蜀文洪武四年九月三十日也碑文半剝落不可辨而祭文有云太保開府議同三司潁川王之靈又有一碣云維建文二年歲次庚辰八月癸巳朔越二十八日庚申祖貫鳳陽府宿州曲溝店人氏見寓山西太原府居住嗣孝孫傅繼恩伏爲祖考榮祿大夫潁國公叔父光祿大夫特進上柱國駙馬都尉前以洪武二十八年十二月內奄棄榮養茲卜宅兆於太原縣鳳中都之原云云按明史功臣表友德於洪武三年封潁川侯十七年進封潁國公二十七年十一月乙丑賜死爵除不言何年進

二十五年請懷

遠田帝不悅尋副宋國公勝分行山西屯田是冬再練軍山西河南明年召還又明年賜死與表合今祭文稱二十五年則非祭友德可知而其讚有云可比韓信可比周亞夫則爲讚友德無疑又考明史友德子忠尙壽春公主忠女爲晉世子濟熺妃則意者友德得罪後其子孫依倚晉王故卜葬於此歟其墓碣所云駙馬都尉者當卽忠也而所云榮祿大夫潁國公者果何人哉或潁公賜死於二十七年而其子忠亦死於二十八年皆未克葬至建文二年乃葬於此歟太祖雖賜死而仍不沒其功故賜以祭文實在二十七年其子孫因讚在二

太原縣志

卷之四

古蹟

十九

十五年故并書於後而未及詳紀賜祭之年歟其進封王爵史或遺之未可執彼以疑此也嗚呼有明開國勲臣中山開平而外必推宋潁二公而皆以無罪賜死讀史者至今寃之其坏土斷碣後人宜何如保護而殘缺至此甚可惜也舊誌稱其苗裔在清源鄉而今大王村傅姓六七戶皆自稱係其後人然詢其譜系已不能詳不亦重可嘆耶則未知在宿州者今復何如也

工部尙書王永壽墓在縣西十里風谷內敕造南京國子

祭酒吳節撰神道碑

御史王鑑墓在王索村南古晉祠左有祠堂今廢

吏部尚書王瓊墓在縣西北七里蒙山之麓敕造禮部

書霍韜撰神道碑

高副憲墓在縣西南十五里柳峪口南有祠堂

鄭伯陽墓在縣西七里龍山之東傅山題云有明處士伯

陽鄭先生之墓並刻輓詩四首見藝文

李刺史墓在風谷南鳳山之麓離城七里

閻推官墓在縣西北八里蒙山之陽

國朝楊都諫墓在東院村南香花樹地

樊將軍墓在縣西北開化峪北不知何時人石牌坊尚存

太原縣志

卷之四

古蹟

二十

帝王

邑乘而紀帝王近於不倫然自陶唐以迄北漢其曾都此地者既不可混入他志而其實蹟要不可沒故帝其地者即帝其人至辨其統之正閏史氏自有體例茲不贅論而以后妃附焉並封爵於此而為王侯者亦附焉  
志帝王

唐帝堯姬姓高辛氏之子也母陳鋒氏女曰慶都感赤龍之祥孕十有四月而生帝於丹陵育於母家伊侯之國後徙耆故曰伊耆氏年十有三封陶在今祁縣南五十里十有五

封唐即今太原為唐侯摯在位九年諸侯尊帝為天子年十

太原縣志

卷之四

帝王

二十一

有六踐位於平陽以火德王

夏王禹姒姓崇伯鯀之子母有莘氏女曰修己以六月六日生禹於熒道之石紐鄉舜三十有三載爰命以位都陽城太原安邑世紀云禹自安邑徙晉陽漢志自平陽遷安邑後徙晉陽通典并州太原禹所都以金德王

漢文帝諱恒高祖中子太后薄氏出初立為代王都晉陽高祖崩諸呂為亂大臣共誅之乃相與謀立代王奉天子璽迎之在位二十年嘗幸太原賞賜故舊羣臣賜里民牛酒復晉陽中都民三歲畱飲十餘日故晉人立廟祀之

齊高祖神武帝姓高氏名歡字賀六渾渤海蓀人四世祖泰仕慕容氏曾祖湖後歸魏爲右將軍湖第三子謚仕魏侍御史坐法徙居懷朔鎮謚生樹性通率不事家業住居白道南數有赤光紫氣之異鄰人以爲怪勸徙居避之樹曰安知非吉居之自若及歡生而妣韓氏殂養於同產姊壻鎮獄隊尉景家歡旣累世北邊故習其俗長而深沉有大度輕財重士爲豪俠所宗歸尔朱榮於秀容榮有惡馬命翦之歡不加羈絆而翦竟不蹄齧已而起曰御惡人亦如此馬矣榮遂坐歡於牀下屏左右訪時事歡曰以明公雄武乘時奮發討鄭儼徐紇霸業

可舉鞭而成榮大悅語自曰中至夜半乃出自是每參軍謀榮舉兵歡爲前鋒後爲晉州刺史無何榮誅尔朱兆自晉陽將舉兵召歡不至及兆入洛執莊帝以北歡聞之大驚以書喻之言不宜受惡名於海內兆不納歡乃建牙陽曲川署梗陽驛子爲親信都督兵士素惡兆而樂歡莫不皆至普泰元年三月封渤海王永熙元年晉大丞相柱國大將軍太師孝武初授大丞相天柱大將軍太師帥師北伐自滏口入尔朱兆大掠晉陽北保秀容歡以晉陽四塞乃建大丞相府而定居焉二年正月大破兆於赤洪嶺兆斃天平三年七月魏孝武至長

安乙酉歡入洛九月魏孝靜遷鄴留洛部分事畢還陽自是軍國政務皆歸相府武定五年正月丙午薨八月葬鄴漳水之西齊天保初追崇獻武帝廟號太祖陵曰義平天統元年改諡神武廟號高祖

文襄帝高澄字子惠神武長子也母曰婁太后生而岐嶷神武異之魏中興元年立爲渤海王世子二年加侍中開府儀同三司尚孝靜帝妹馮翊長公主時年十二神情雋爽便若成人神武試問以時事得失辨析無不中理自是軍國籌策皆預之武定四年十一月神武西討班師馳赴軍所侍衛還晉陽五年正月丙午神武薨

太原縣志

卷之四

帝王

二十三

夏四月壬申朝於鄴六月丁丑還晉陽七月戊戌魏詔爲使 節大丞相都督中外諸軍錄尚書事大行臺渤海王六年居晉陽北城東柏堂以寵瑯琊公主欲其來往無避忌侍衛皆出外辛卯遇盜蘭京而殂時年二十九葬峻成陵齊初進諡文襄廟號世宗

文宣帝諱洋字子進神武帝歡第二子文襄帝澄母弟母武明太后初孕帝每夜有赤光照室生於晉陽一名晉陽黑色大頰兌下鱗身重蹠瞻視審定不好戲弄深沉有大度內雖明敏貌若不足神武嘗令諸子各理亂絲帝獨抽刀斬之曰亂者當斬初封太原郡公進封齊

王天平八年夏五月受魏禪於鄴改元天保是年冬十月幸晉陽宮朝太后於內殿赦并州太原郡晉陽縣及相國府四獄囚以太原爲義旗初起地詔復三年租十年冬十月暴崩於晉陽宮德陽堂年三十一廟號顯祖葬武寧陵

少帝名殷字正道文宣帝長子母李后天保元年立爲皇太子時年六歲性敏慧溫裕開朗天保十年卽位於晉陽宣德殿改元乾明秋八月太皇太后令廢帝爲濟南王以常山王演入纂大統皇建二年殂於晉陽時年十七葬武寧陵諡閔悼王

太原縣志

卷之四

帝王

二十四

孝昭帝諱演字延安神武第六子文宣母弟幼而英特魏元象元年封常山郡公天保初進爵爲王廢帝初除大傅錄尚書事朝政皆決於帝旣戮楊愔燕子獻等爲大丞相都督中外諸軍事錄尚書事尋如晉陽軍國大政咸諮決焉遂卽位於晉陽宣德殿改元皇建二年冬十月殂於晉陽宮年二十七葬文靜陵

武成帝諱湛神武帝九子孝昭母弟風度高爽儀表瓌傑神武尤所鍾愛爲聘蠕蠕菴羅辰女號鄰和公主帝時年八歲冠服端嚴中外嘆異元象中封長廣郡公天保初進爵爲王皇建二年徵入卽位於南宮改元大寧



河清二年十二月至晉陽三年春正月大敗周軍於西四年四月傳皇太子軍國大事咸以奏聞天統四年十二月殂於鄴宮年三十 葬永平陵

後主諱緯字仁綱武成帝長子母胡皇后夢於海上坐玉盆日入褰下遂有娠天保七年生帝於并州邸少美容儀武成愛寵拜世子及大寧二年立爲皇太子河清四年夏四月受內禪卽位於晉陽宮改元天統七年十二月晉州軍敗還晉陽除安德王延宗爲相國委以備禦守晉陽後爲周將尉遲綱所獲封溫國公

唐高祖神堯皇帝諱淵字淑德隴西成紀人而體有三

太原縣志

卷之四

帝王

二十五

乳性寬仁襲封唐公隋大業十一年拜山西河東慰撫大使十三年拜太原畱守是時子世民陰結豪傑與晉陽令劉文靜謀舉兵計已決而高祖未之知晉陽宮副監裴寂具以告會江都遣使來逮而劉武周攻汾陽宮乃集將吏告以募兵擊賊旬日間得衆一萬時畱守王威高君雅見兵大集疑有變欲因禱雨晉祠圖高祖高祖遂殺之以起兵傳檄諸郡稱義兵開大將軍府置三軍開倉庫賑窮乏仗白旗誓師以元吉爲太原畱守遣將張綸狗下離石龍泉文城三郡敗隋虎牙郎將宋老生於霍邑下臨汾郡克絳郡次龍門隋驍衛大將軍

屈突通守河東絕津梁高祖以少牢祀河乃濟十一月  
克長安立代王改元義寧隋授假黃鉞使持節大都督  
中外諸軍事大丞相錄尚書事晉封唐王二年受禪國  
號大唐在位九年年七十一歲葬獻陵

後唐太祖武帝李克用本沙陀人父朱邪赤心有功於唐  
賜姓李名國昌克用少驍勇善射能仰中雙鳧軍中號  
曰李鷓兒其一目眇及其貴也又號獨眼龍初爲唐雲  
州守捉使及國昌拒命自稱雲中留後唐欲招集之拜  
大同軍防禦使從國昌入塞北中和元年代北起軍使  
陳景思發沙陀吐渾萬人行至絳州沙陀軍亂景思念

太原縣志

卷之四

帝王

二十六

非克用不可將乃以詔書召之於塞北承制以爲代州  
刺史雁門以北行營節度使黃巢叛景思克用以步騎  
萬七千赴京師三年正月至河中進屯乾阡黃巢黨驚  
曰鷓兒軍至矣二月敗巢將黃鄴於石隄谷三月又敗  
趙璋尙讓於良田坡橫尸三十里是時諸鎮兵大戰渭  
橋賊敗走入城克用乘勝追之自光泰門先戰入望春  
宮昇陽殿巢敗南走出藍田關京師平克用功第一累  
封至晉王天復四年梁遷唐都於洛陽改元曰天祐克  
用謂天祐非唐號不可稱乃仍稱天福五年七年梁兵  
十萬攻潞州圍以夾城遣周德威救潞州軍於亂柳

克用疾是歲梁滅唐克用復稱天祐四年五年正月辛卯卒年五十三子存勗立是爲莊宗葬克用於雁門追諡曰武帝廟號太祖

莊宗諱存勗晉王克用長子善騎射膽勇過人稍習春秋通大義天祐五年卽王位於太原時梁兵十萬攻潞州圍以夾寨王謂諸將曰上黨河東之藩蔽梁人幸吾喪謂我少而新立無能爲也宜乘其怠擊之乃出兵直抵夾寨大敗梁兵凱旋告廟梁王聞夾寨不守驚嘆曰生子當如李亞子克用爲不死矣吾兒豚犬耳六年遣周德威攻晉州敗梁軍於蒙坑同光元年四月己巳卽

太原縣志

卷之四

帝王

二十七

位追尊晉王爲太祖立廟於太原自唐高祖太宗懿宗昭宗爲七廟冬十月襲破汴遂都焉在位四年年四十三殂葬雍陵

後晉高祖姓石氏諱敬瑭其先從朱邪歸唐入居陰山爲人沉厚寡言明宗愛之妻以女是爲永寧公主嘗隸麾下天成三年拜河東節度使清泰帝疑之三年五月徙鎮天平敬瑭不受命謂其屬曰先帝受我太原使老焉今無故而遷是疑我也且太原地險而粟多吾當內檄諸鎮外求援於契丹於是上表論清泰不當立許王從益爲明宗嗣清泰怒下詔削敬瑭爵命張敬達等來討

九月契丹入自雁門大敗敬達兵乃築壇晉城南十一月丁酉冊立敬瑋即皇帝位國號晉己亥改元天福閏三月己卯次河陽辛巳至汴京在位七年葬顯陵

後漢高祖姓劉氏諱知遠其先沙陀部人後世居太原知遠弱不好弄嚴重寡言面紫色目多白睛與晉高祖俱事明宗爲偏將德勝之役晉高祖馬甲斷梁兵幾及知遠以所乘馬授之復取高祖馬殿而還高祖德之及畱守北京以爲押衙高祖鎮河東將舉兵知遠與桑維翰密爲謀畫及即位太原以爲侍衛親軍都虞侯領保義軍節度使遼太宗送高祖至潞州臨訣指知遠曰此都

## 太原縣志

### 卷之四

帝王

二十八

軍甚操刺

徐無黨曰世俗謂勇猛爲操刺

無大故勿棄之天福六年拜

河東節度使北京畱守出帝立拜中書令封太原王又拜北面行營都統封北平王開運四年出帝被虜行軍司馬張彥威等上牋勸進乃以二月辛未即位太原稱天福十二年國號漢以漢高皇帝爲高祖光武皇帝爲世祖皆不祧五月甲午以弟崇爲北京畱守六月甲子至汴京更名暉改元乾祐在位三年年五十四殂

北漢世祖神武帝諱旻高祖母弟初名崇美鬚髯目重瞳子高祖即位以爲太原尹北京畱守隱帝少政在大臣周太祖爲樞密使與旻有隙旻頗不自安判官鄭珙曰

晉陽兵雄天下十州征賦足以自給公爲宗室老不以此時爲計後必爲人所制旻乃罷上供征賦收豪傑籍丁民以益兵三年周太祖起魏佯立旻子贇爲嗣尋殺之旻以周廣順元年正月卽位於太原仍稱乾祐不改元不立宗廟四時祭用家人禮月俸宰相八緡節度使三十緡其餘薄有資給嘗謂張元徽等曰吾以高祖之業贇之寃義不爲郭公屈爾期與公等勉力以復國家之讐至於稱尊一方豈獲己耶以子承鈞爲太原尹遣樞密直學王得中聘於遼求兵以攻周遼助兵五萬出陰地攻晉州爲王峻所敗乾祐七年正月周太祖殂旻

太原縣志

卷之四

帝王

二十九

聞之喜遣使乞兵遼使楊衮將鐵馬萬騎及諸部兵號稱十萬以助旻自將騎兵三萬攻潞州周世宗親征戰於高平旻軍大敗周進攻太原去城三百步圍之匝自四月至六月不克遼將撻烈敗符彥卿於忻口世宗班師旻以憂得疾明年十一月卒年六十葬於交城北山在位四年子承鈞立

睿宗名鈞初名承鈞世祖次子幼而穎異性孝謹頗好學攻書世祖卒承鈞行三年喪禮旣立赦境內時年二十九仍稱乾祐不改元喪畢始改乾祐九年爲天會元年四年宋興周昭義節度使李筠奉表乞兵爲援承鈞

自將出圍柏谷羣臣餞之汾水僕射趙華曰李筠舉事  
輕易今不圖成敗空國興師臣實憂之鈞至太平驛封  
筠隴西郡王筠見鈞儀衛不備非如王者悔臣之筠旋  
敗死後因供遼多畧復失遼援無復南侵意而地產狹  
薄國用日削鈞勤於爲政愛民禮士故雖兵戈不息而  
境內粗安宋太祖嘗因界上牒者謂鈞曰君家與周氏  
世爲讐宜其不屈我與爾無所間何爲因此一方人若  
有志中國宜下太行以決勝負鈞遣諜者復命曰河東  
土地甲兵不足以當中國之十一然鈞家世非叛者區  
區守此懼漢氏之不血食也太祖哀其言故終其世不

太原縣志

卷之四

帝王

三十

加兵鈞立十三年卒

少主繼恩本姓薛氏父釗晉初爲營卒娶世祖女生繼  
恩高祖典禁兵以釗從子壻也除其軍籍置之門下高  
祖後領方鎮爵位通顯世祖女視高祖永寧公主故姊  
妹行也貴倨居中釗罕得見釗快快一日乘醉引佩刀  
刺之世祖女奮衣得脫釗卽自裁時繼恩尙幼世祖以  
睿宗無嗣令養爲己子而世祖女再適何氏生繼元何  
氏死世祖女亦歿睿宗復撫繼元爲子繼恩事睿宗盡  
恭昏定晨省無違禮及爲太原尹巽軟不治睿宗嘗語  
郭無爲繼恩殊非濟世才無爲默然不對睿宗旣殂繼

恩告哀於遼然後嗣位服縗裳視事寢處居勤政閣而睿宗故執事百司宿衛皆在太原府廨繼恩怨無爲初不助己且惡其專政欲逐之月餘不能決天會十二年七月獨處一室左右親信無得從己酉供奉官侯霸榮率十餘人挺刃入閣扃其戶繼恩驚起霸榮害之無爲使人梯屋入殺霸榮並其黨繼恩立六十餘日并人深疑無爲無爲與羣臣議立繼元平章中書事張昭敏獨曰宜立宗姓以慰民望世祖嫡孫繼文久留遼宜迎立之可以固宗社結強援無爲不從以繼元易制立之

英武帝名繼元天會初授歸義府都督加太保遷右金

## 太原縣志

### 卷之四

帝王

三十一

吾衛大將軍充大內都點檢少主時進太師兼太原尹既襲位仍稱天會不改元十二年十一月告卽位於遼且乞師遼遣撻烈將諸道兵救之宋詔諭令降約授平盧軍節度使又別詔無爲授安國節度無爲得詔色動勸繼元納款不從天會十三年三月宋攻太原築長連城圍之立砦於城四面又命壅汾晉二水以灌城并人大恐會城中有積草漂出塞之得無害無爲復勸繼元降不從乃遣使乞封冊於遼且趣援師閏月遼遣韓知璠冊立之知璠習兵事居圍城中晝夜督察固守遼復遣南大王來援時宋師頓兵甘草池中會暑雨軍士多

疾遂引兵還繼元命決城下水注之臺駘澤中水已落而城多摧圯又籍宋所棄軍儲得粟三十萬茶絹各數萬賴以少濟是月殺郭無爲十七年改元廣運廣運二年三月遼與宋成遣使來告命通好於宋繼元聞命慟哭謀出兵攻遼宣徽使馬峰固諫乃止六年宋太宗自帥師來攻四月至太原城潘美等屢敗繼元兵進築土城長圍四合矢石如雨晝夜不息城無完堞太宗屢以手詔諭降時外援弗至餉道又絕國人大懼乃遣客省使李勲奉表乞降授檢校太師右衛上將軍封彭城郡公世祖自乾祐四年稱尊歷四主二十九年而亡繼元

太原縣志

卷之四

帝王

三十二

美風儀善談論頗通禪學居潛邸時嘗得僧繼顒紫檀如意每接僧秉此揮譚名爲握君踐祚淳化中薨追封彭城郡王贈賻加等

后妃附

晉簡文順王皇后諱簡姬太原晉陽人遐女后以冠族初爲會稽王妃生子道生爲世子永和四年被廢以憂薨咸安二年孝武帝卽位追尊曰順皇后葬高平陵追贈后父遐特進光祿大夫散騎常侍  
哀靖王皇后諱穆之太原晉陽人司徒左長史濛女初爲瑯琊王妃哀帝初立爲后追贈母袁氏爲安國鄉君



后在位三年無子興寧二年薨

孝武定王皇后諱法慧哀靖皇后之姪也蘊女初帝將納后訪於公卿時蘊子恭以弱冠見僕射謝安安深敬重之既而謂人曰昔毛嘉恥於魏朝楊駿幾傾晉室若帝納后蔭望如王蘊乃可既而訪蘊女容德淑令乃舉以應選寧康三年中軍將軍桓沖等奏議於是帝始納焉封蘊妻劉氏爲樂平鄉君大元五年薨年二十一葬隆平陵

北魏孝武高皇后齊神武長女孝武初嘗納爲后

孝靜高皇后齊神武第二女初封太原公主天平四年

太原縣志

卷之四

帝王

三十三

詔聘爲后神武前後固辭不許興和初常詔司徒孫騰司空襄城王昶等奉詔致禮以后駕迎於晉陽之承相第五月立爲后大赦

後唐曹太后太原人莊宗母晉王李克用之次妃也初晉王正室劉太妃無子性賢不妬忌常爲晉王言曹氏相當生貴子宜善待之而曹氏亦自謙退因相得甚歡後生子存勗是爲莊宗晉王性暴怒多殺人左右無敢言者惟曹從容諫譬往往見聽及莊宗卽位尊爲皇太后而以嫡母劉氏爲皇太妃莊宗入洛使人迎太后而太妃獨畱晉陽相泣而別尋聞太妃疾漸欲馳至晉陽視

之繼聞其卒也又欲自往葬之莊宗泣諫乃止而太后自太妃卒悲哀不飲逾月而崩時同光三年七月也諡曰貞簡葬於坤陵

後漢高祖李皇后晉陽人父爲農高祖少爲軍卒牧馬晉陽夜入其家却取之高祖已貴封魏國夫人生隱帝開運四年高祖起兵太原賞軍士帑藏不足欲斂於民后諫曰今起事號爲義兵民未知惠而先奪其財殆非救民之意也今後宮所有請悉出之雖不足士亦無怨高祖改容謝之卽位冊爲皇后隱帝立尊爲皇太后郭威代漢請事太后爲母於是遷於太平宮上尊號曰昭聖

太原縣志

卷之四

帝王

三十四

皇太后終顯德元年一云禪代後昭聖太后歸於太原宋眞宗章穆郭皇后太原人宣徽南院使守文第二女淳化二年眞宗在襄邸太宗爲聘之封魯國夫人進封秦國眞宗嗣位立爲后后謙約惠下性惡奢華族屬入謁禁中服飾華侈必加誡勗有以家事求言於上者終不許兄子出嫁以貧欲祈恩賚但以裝具給之上尤加禮重景德四年從幸西京還年終三十二上深悼之禮官奏七日釋服特詔增至十三日諡莊穆命翰林學士楊億撰哀策葬永熙陵之西北神主享於別廟仁宗卽位升祔眞宗廟室改諡章穆

章獻明肅劉皇后其先家太原後徙益州爲華陽人祖延慶在晉漢間爲右饒衛大將軍父通虎捷都指揮使從征太原道卒后通第二女也初母龐氏夢月入懷已而有娠遂生后后在襁褓而孤鞠於外氏善播鼂蜀人龔美者以鍛銀爲業攜之入京師后年十五入襄邸眞宗卽位爲美人大中祥符中爲修儀進德妃章穆崩立爲皇后李宸妃生仁宗后以爲己子撫視甚至后性警悟曉書史聞朝廷事能記其本末眞宗崩遺詔尊后爲皇太后軍國重事權取處分明道元年崩年六十五初仁宗卽位尙少太后稱制雖政出宮闈而號令嚴明威

太原縣志

卷之四

帝王

三十五

加天下左右近習亦少所假借宮掖間未嘗妄改作內外賜與有節賜族人御食必易以鈞器曰尙方器物勿使人吾家也常服絕繡練裙侍者見仁宗左右簪珥珍麗欲效之太后戒曰彼皇帝嬪御飾也汝安得學先是小臣方仲弓上書請依武后故事立劉氏廟而程琳亦獻武后臨朝圖后擲其書於地曰吾不作此負祖宗事太后保護帝旣盡力而仁宗所以奉太后亦甚備上春秋長猶不知爲宸妃所出終太后之世無毫髮間隙焉封爵附

臺駘左傳鄭公孫僑曰金天氏之裔子曰昧生臺駘能業

其官宣汾洮障大澤以處太原帝用嘉之封諸汾川  
實沈左傳高辛氏二子伯曰閼伯季曰實沈帝堯遷實沈  
於大夏主參唐人因之服事夏商

周唐叔虞姬姓侯爵周成王九年封弟叔虞爲唐侯

趙氏其先與秦同祖史記蜚廉有子曰季勝季勝三世  
爲造父以善御幸於周穆王王以趙城封造父由是爲  
趙氏傳七世至幽王時叔帶去周適晉事文侯五世生  
趙夙夙生衰至衰以下世爲晉卿至籍與韓魏俱立爲  
諸侯建國於晉陽至武靈王始徙邯鄲

秦太原君白仲武安君起子始皇時追錄起勳封

太原縣志

卷之四

帝王

三十六

漢太原王劉參文帝子二年二月封三年徙王代并得太  
原郡都晉陽諡曰孝傳子共王登孫剛王義元鼎三年  
徙王清河

韓王信韓襄王孽孫高祖二年自立五年春封王潁川  
六年春徙王太原郡三十一縣都晉陽

太原王劉章齊武王縝長子建武二年封

晉陽侯張楊獻帝在安邑時拜安國將軍

魏晉陽侯張遼黃初初繇都鄉侯晉封增邑千戶并前一  
千六百戶諡曰剛子虎孫統襲

晉太原王司馬瓌安平獻王第六子武帝初封邑五千四

百九十六戶諡曰烈子顥襲

太原王司馬輔安平獻王孚子武帝初封渤海王咸寧三年八月徙封諡曰成子宏襲

北魏太原王元昶永熙三年封

太原王乙渾和平三年正月由東郡公晉封

太原王爾朱榮建義元年四月戊戌封食邑二萬戶後累增至二十萬戶子文殊襲

太原公王叡承明中封太和三年晉封中山王

太原公薛提由歷陽侯晉封弟浮子襲降侯

太原郡開國公高澄天平二年封卽齊文襄也

太原縣志

卷之四

帝王

三十七

太原公高洋武帝五年封卽齊文宣也

晉陽侯尉力斤諾子眷弟

晉陽伯元贊太和中封

晉陽縣伯李元忠武帝時封邑五百戶子襲

晉陽縣伯王則元象中封

晉陽縣伯季元忠以建義功封

晉陽男元鷲高祖末封

南朝太原王陳叔匡宣帝第三十四子禎明三年封

西魏太原郡公王思政以軍功積封

晉陽縣侯王景思政孫

晉陽縣子李剽弼弟大統元年以自梁歸附封邑四百戶又以功晉公增邑四百戶

北齊太原王高紹德文宣帝第三子天保初封子辨才襲

太原王婁昭天保初以武明皇后弟追封子仲遠襲

北周太原公王柬天和六年封

太原公王康建德四年封

晉陽縣公王韶以平齊功封

唐太原王李承宗建成長子早卒

太原郡王王方翼

太原郡公郭知運開元二年以破突厥功封介休縣公

太原縣志

卷之四

帝王

三十八

六年破吐番晉封

太原郡公郭縱曖第三子順宗初以尚漢陽公主封

太原郡公王用臨莊憲太后弟元和元年封

太原郡公王廷湊長慶三年戕成德帥田宏正稱畱後

太和三年赦其罪封子元達尚壽安公主以破劉稹功

復封

晉陽郡公竇易直長慶四年封

太原郡公王播太和元年封

太原郡公白敏中宣宗時封

太原郡公郭仲文

太原郡公王搏

太原縣公王鉷天寶十載封

太原縣伯王紹懿元達子紹懿卒兄紹鼎子景崇襲後更封太原縣男

晉陽縣男白居易太和初封開成中晉廣平縣侯

晉陽縣男郭睨子儀從子

晉陽縣男楊收咸通四年封九年奪爵子鉅乾寧初復封

晉陽縣男楊牧隋越國公素後以籌破南蠻功封

太原縣男王景崇紹鼎子初襲太原縣伯後以平徐寇

太原縣志

卷之四

帝王

三十九

功改封尋晉趙國公

五代太原王劉智遠晉出帝初封開運二年四月徙北平王

太原王閻寶晉天福中追封

唐太原郡君王氏汾陽王郭子儀夫人天寶中封

按五代以前太原爲郡治亦稱晉陽故凡封太原郡晉陽郡者備列之宋移太原郡治於唐明鎮則今之省城也太原縣改爲平晉縣無復太原晉陽之名故宋以後封太原郡晉陽郡者不復攬入